



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICO-CHIRURGICA,
QUOD LIBETARIIS DISPUTATIONIBUS,
*manè discutienda in Scholis Medicorum, die Jovis decimâ-nonâ
mensis Martii, anno Domini M. DCC. LXXII.*

M. DIONYSIO PAUTIER DE LABREUILLE,
Medico Primario SS. Delphini & Delphinæ dùm viverent, & nunc
Comitissæ Gallo-Provinciæ, Doctore Medico, Præside.

An distorsionibus emollientia, relaxantia, anodina?

I.



EL à longo tempore dicata, usquē nunc ab omnibus celebrata
methodus necquicquam proscribenda est, sin ratiocinio asse-
ratur experiētiæque comprobetur. Distorsio primis momentis
vix ulla prodit symptomata, quæ funestum prænuntient: quàm
verò pedissequa & adventitia sæpius exurgunt sæva, quæ ægro
ipsâ luxatione completâ fracturæ sunt molestiora! Distorto enim
articulo ut plurimum videre est in aliis tardam, difficilem, dolorificam arti-

2

culationis functionem ; in aliis ingratam claudicationem ; alii abscessus, ca-
 riem, pejora patiuntur mala ; aliorum artus consumit atrophia ; vel deficien-
 tibus, vel vitiatis fuccis, mumiae instar, exsiccat articulo & motu suo
 crepium dat ; redundantibus spissioribusque oritur ankylosis. Hic ars anhi-
 dextra decantata male creparet sententiam citò, tutò & jucundè ; ex eò quòd
 post manca sanationem novis artus cruciantur doloribus quavis aeris vicissi-
 tudine, adeò ut libenter barometra viventia illos diceres. Ut verò ars quaecum-
 que perfectionis scopum attingat, suam quisque conferre debet symbolum, quis-
 que proprio Marte propugnare facem præferentibus ratiocinio & experientiâ.
 Infausta usquè nunc methodi vitium insectare fuscipimus ; quàmque noceant re-
 percussiva, resolutiva, remediorum rudem & indigestam præscriptionem de-
 monstrare : tutiora promptioraque arma mutuari evincemus à relaxantibus,
 emollientibus, anodinis ; quibus infestissimam superare dabitur distorsionem. Quan-
 tà solertia, quantà sagacitate partium naturam secum repitare debet chirurgus
 ne scilicet inutili & præposterâ, imò noxiâ medicamentorum applicatione adau-
 geat symptomata ! Sin minus inani spe luditur æger. Felices ! si aliquantulam
 praxi chirurgicæ lucem inducamus.

I I.

DISTORSIONEM dicunt subitam articulationis ultrà modum extensio-
 nem à vi externâ & quasi intorquendo factam : distrahuntur ligamenta,
 tendines, vasa, periosteum, nervi. Levis est aut gravis distorsio, recens aut
 vetusta : sæpius in articulo pluribus ossibus conflato notatur, v. g. pede, manu,
 aliquoties dorso & collo ; quod numerosioribus alligatur & continetur ligamen-
 tis. Causæ prædisponentes habeantur infirma vel crassior corporis constitutio ;
 ligamentorum debilitas à serosâ colluvie oriunda, habitatio in loco humido,
 in mulieribus tempus graviditatis ubi æquilibrium ultimis præsertim mensibus
 amittitur, virus scrophulosum & venereum ; in juniori ætate sexu sequiori,
 partes solidas molliores esse & facilius distrahi posse omnibus notum est. Causæ
 omnes quæ luxationem vi inferre possunt, si minoris sint intensitatis, dis-
 torsionem aut distasim producant : ictus, lapsus, nixus vehementior, à pe-
 riosleo quod illo in loco ubi ligamenta oriuntur ab ossibus secedere & supra liga-
 menta pergere ex anatomia constat, illa verò non possunt distrahi quin simul
 trahatur periosteum incumbens quod acutissimo sensu donatur. Dolor si absit,
 sæpius accessit motu, extravasatione fluidorum, tumefactione ; motus enim ir-
 ritationem adauget, major crispatio vasa comprimit, undè sanguinis suspensa
 circulatio, tumor, rubor ; contusione fibræ non paucae rumpuntur, stillat humor

contentis, succorum articulationes, tendines inungentium fit expansio: nervi contusi modò cruciatus diros, convulsionem pariunt; modò partium subiectarum torporem, insensibilitatem, paralyfim, atrophiam: vasis sanguiferis ruptis nascitur ecchymosis; si alba vasa, tumor albus; succus accumulatus spicescit, concrefcit, ossa coadunat; viriatus cartilagine, ossa corrodit, fistulas procreat. Febris accenditur inflammationis comes indivulsa. Illa verò pejora accidentia ab empiricâ methodo oriri nunc probandum.

I I I.

CONTRARIA contrariis curantur: vetus adagium in hocce morbo oblivione deletum. Ligamenta fibris albis, duris, elasticis, stricis contextuntur; vasa alba & nervosa hæc irrigant, humore illiniuntur insipido pellucido, viscoso qui vasis funditur & retorbitur. Iis in partibus irritatio vehementem creat inflammationem stadia velocius percurrentem quæ pessima minuitur. Illa est gemina veraque indicatio: dolor sedandus, tensio imminuenda, inflammatio compescenda, tumor emolliendus posteaque resolvendus. An ratio suadebit immersionem partis in aquam frigidissimam, lotiones astringentes, spirituofas, aromaticas, cataplasmata resolutiva, percussiva, fascias striccas? Hisce mediis nedum accidentibus medeat, nova imò conciliantur: aquæ applicatio non innocens mulieribus, catharrofis, pulmonicis, perspirationem, sudorem suppressere potest; resolutiva & astringentia sanguinem actione suâ exagitant, humores inspissant lubricandis superficiebus inhabiles; spirituosa, aromatica calorem adaugendo inflammationem excitant, rorem amicum dissilant, undè siccitas articulationis, ad concretionem proclivitas: stricca fasciarum applicatio partem dolentem irritat & tumefactioni favet: quis non sentiat hancce methodum ægri tortorem esse sic & chirurgi dedecus?

I V.

FMOLLIENTIA, relaxantia, anodina, narcotica, principiis suis aquosis, viscosis & mucilaginosi fibrarum tensionem, tonum imminuunt; fluidorum impetum reprimunt, dolorem sedant, undè sanguini conciliatur facilior circuitus, stases præcaventur; si adsint, humor fluidior redditur, vasa vicina laxantur, fit resolutio resorptioque; imò hæc methodo arcetur tumefactio, inflammatio, tensio, dolor & impotentia. Multiplici modo applicari possunt suprâ dicta remedia, balneis, insersionibus, fomentis, cataplasmatibus præsertim quæ anteposenda censemus, constans enim & continua remedii applicatio partem intimis penetrat, quibus adjunctis quiete, situ, venæ-sectionibus, diætâ, enematis vel graviore distorsiones sanabuntur. Experientiâ fretus: dum celeriter gradiebar pedem in caveam immisi, undè distortio gravis, ligamenta quibus retinetur malleolus exterior distensionem perpeffa sunt vehementissimam, musculi extensores digitorum pede internè torto ne minimum motum reddere poterant præ dolore truci. Domi translatus lectoque accumbens, sanguinis missionem, cataplasmata aquæ communis cum micâ panis adhibui; neque tumorem, neque tensionem notandam visus detexit tactus-ve; postridiè, dolore im-

4

minuto jam motum aliquem pes exercebat: quatuor diebus elapsis hâc methodo adhibitâ, omnis dolor evanuit & negotia suscipere alacer potui & expeditus. Propriâ edoctus experientiâ ea media aut collimantia pluribus adhibui felicemque obtinui eventum. Dolo-
re verò, tensione & inflammatione imminutis, fugatis ad astringentia, resolutiva transeas & aromatica: curationem sic feliciter absolves.

V.

VIM suam distorsione amittere ligamenta dicit aliquis. Forsan visus momentaneus eorum robur minuere, elasticitatem infringere valet? Obi-
cies usum remediorum quem respuimus distorsiones sanavisse. Ecquidem fatemur hoc levis distorsionis sic & recentis curationem absolvi posse, reipsâ absolvere; si è contrâ graves, non multis diebus, non uno mense, sed pluribus consump-
tis doloresque identidem per multos annos ægrum cruciant; nec rarò tumor, rubor hos comitantur adeò ut podagram sæpissimè mentiantur. Instabis laudata remedia nocere phlegmaticis, cachecticis, mulieribus, atoniam secum asferre undè tumor œdematosus; his positis parcè quiddè adhibenda; inflammatione dolo-
reque sedatis ad tonica confugiendum.

Ergò distorsionibus emollientia, relaxantia, anodina.

DOMINI DOCTORES DISPUTATURI.

*M. Joannes - Armandus
ROUSSIN DE MONTA-
BOURG.*

M. Guillelmus FUMÉE.

*M. Natalis-Maria DE GE-
VIGLAND, Regiorum in
Germaniâ Ducum & Mi-
litum Nosocomiorum nu-
pèr Medicus, Gallico idio-
mate Chirurgiæ Professor.*

*M. Natalis - Nicolaus
MALLET.*

*M. Marinus-Jacobus-Cla-
rus ROBERT, S. Ducis
Bipontini Archiater nec-
non à Consiliis & Secretis.*

*M. Franciscus David HE-
RISSANT, Regiæ Scien-
tiarum Academiæ, Regiæ-
que Societatis Londinensis
Socius.*

*M. Franciscus - Ludovicus
THOMAS D'ONGLÉE.*

*M. Maximilianus-Josephus
LEYS.*

*M. Carolus - Franciscus
BOUTIGNY DES-
PREAUX.*

Proponebat Parisiis JOSEPHUS COTTON, Gratianopolitanus, Saluberrimæ
Facultatis Medicinæ Parisiensis Baccalaureus, Theſeos Author.

A. R. S. H. 1772. A SEXTA AD MERIDIEM.

Typis Quillan, Saluberrimæ Facultatis Medicinæ Typographi 1772.